



პრესრელიზი

5 ივნისი, 2022

17-19 ივნისს წალენჯიხაში ლიტერატურული ფესტივალი „გრანელი“ გაიმართება

საქართველოს წიგნის გამომცემელთა და გამავრცელებელთა ასოციაციისა და წალენჯიხის მუნიციპალიტეტის მერიის ორგანიზებით 17-19 ივნისს, წალენჯიხაში ლიტერატურული ფესტივალი „გრანელი“ გაიმართება. პროექტი ხორციელდება წალენჯიხის განვითარების ჯგუფის მხარდაჭერით.

ფესტივალთან დაკავშირებით, **ორშაბათს, 6 ივნისს, 12:00 საათზე**, წიგნის მაღაზიაში "სტამბის წიგნები" გაიმართება **პრესკონფერენცია** (სასტუმრო „სტამბა“ მ. კოსტავას 14).

პრესკონფერენციაში მონაწილეობას მიღებენ:

- წალენჯიხის მერი, **გია ხარჩილავა**;
- საქართველოს წიგნის გამომცემელთა და გამავრცელებელთა ასოციაციის თავმჯდომარის მოადგილე, **გვანცა ჯობავა**;
- ფესტივალის მონაწილე, გამომცემელი, **ზვიად კვარაცხელია**;
- ფესტივალის მონაწილე, მწერალი, **პაატა შამუგია**;
- ფესტივალის მონაწილე, მწერალი, **ეკა ტოგონიძე**

ლიტერატურული ფესტივალის ფარგლებში, 17-18 ივნისს წიგნების გამოფენა-გაყიდვა, 15-მდე გამომცემლობის მონაწილეობით, წალენჯიხასა და ჯვარში გაიმართება. 17 ივნისს ფესტივალს **წალენჯიხა გრანელის პარკში** უმასპინძლებს, 18 ივნისს კი **ღონისძიება ჯვარში, კულტურის სახლის ტერიტორიაზე** გაგრძელდება.

ფესტივალი, წიგნების გამოფენა-გაყიდვის გარდა, ადგილობრივებს მრავალფეროვან ლიტერატურულ პროგრამას შესთავაზებს. გაიმართება **დისკუსიები, წიგნის პრეზენტაციები, საჯარო ლექციები და შეხვედრები თანამედროვე ქართველ მწერლებთან**, მათ შორის არიან **პაატა შამუგია**,

ლერი ალიმონაკი, დიანა ანფიმიადი, ერეკლე დეისაძე, რატი ამალღობელი, ეკა ტოგონიძე, ლაშა ბუღაძე, ზვიად კვარაცხელია, თემურ ელიავა, გიორგი შონია და სხვა.

19 ივნისს წალენჯიხაში გაიხსნება თანამედროვე ხელოვნების გალერეა და ლევან ცუცქერიძის სახელობის სამხატვრო სტუდია.

ღონისძიება საზეიმოდ დაიხურება 19 ივნისს, **ფახულანში**, საოკუპაციო გამყოფი ხაზის მიმდებარე ტერიტორიაზე. დასკვნით სადამოს გაიცემა წალენჯიხის ლიტერატურული ფესტივალის **სპეციალური ჯილდო ქართულ-აფხაზურ ურთიერთობებსა და ლიტერატურაში შეტანილი განსაკუთრებული წვლილისთვის**.

გარდა ამისა, ფესტივალის ფარგლებში დაგეგმილია ბესო სოლომონაშვილისა და მარი გულბიანის ფილმების ჩვენება. გაიმართება მუსიკალური ღონისძიებებიც.

საკონტაქტო პირი: ანა მარწყვიშვილი 598 55 93 68